

U G O V O R
ZA IZVOĐENJE RADOVA, NABAVKU I UGRADNJU PVC STOLARIJE

Zaključen između:

1. **Elektrotehnička škola za energetiku Sarajevo**, ul.Zmaja od Bosne br.37, koju zastupa **Samira Karamehić**, direktorica škole (u daljem tekstu: naručilac) i
2. "**HDI d.o.o. Sarajevo**", Ul. Gora bb, kojeg zastupa Haris Djana, direktor Društva, (u daljem tekstu: **izvođač**), kako slijedi:

član 1.

Naručilac naručuje, a **izvođač** prihvata da izvrši radove, nabavku i ugradnju PVC stolarije. **Izvođač** se obavezuje da radove iz stava 1. ovog člana izvede prema usvojenoj ponudi broj: 18-0567 i broj: 06-1189/18. od 08.11.2018. i predmjeru radova iz ove tenderske dokumentacije koji čine sastavni dio ovog ugovora.

član 2.

Cijena radova iz člana 1. ovog Ugovora utvrđena je na osnovu fiksnih jediničnih cijena i količina iz ponude, i iznosi ukupno:

13.854,67 KM

(slovima: trinaesthiljadaosamstotinapedesetčetiri i 67 /100 KM)

Cijene su date sa uračunatim PDV-om.

član 3.

Ugovorne strane su saglasne da **naručilac** cijenu ugovorenih radova, iz člana 2. ovog Ugovora plati na sljedeći način:

- u roku od 60 (šezdeset) dana od potpisivanja ugovora, ispostave računa, što iznosi **13.854,67 KM, (slovima: trinaesthiljadaosamstotinapedesetčetiri i 67 /100 KM).**

Naručilac će ugovorenu cijenu uplatiti na račun **izvođača** br.1401010015803952 kod banke SBERBANK BH DD Sarajevo.

član 4.

Izvođač se obavezuje da će ugovorene radove izvesti u skladu sa utvrđenim građevinskim propisima i standardima.

Izvođač se obavezuje da će ugovorene radove otpočeti odmah po uvođenju u posao i iste izvršiti najkasnije u roku od 30 (trideset) dana od dana ovjere početka radova u građevinskom dnevniku i uz konstataciju nadzornog organa iz člana 8. ovog Ugovora da su stvoreni svi uslovi za uvođenje u posao i početak radova.

Pod uvođenjem u posao, u smislu odredbi prethodnog stava, smatra se obaveza **naručioca**: da potpiše i ovjeri ovaj Ugovor, da ovjeri dan početka radova u građevinskom dnevniku, da **izvođaču** u skladu sa dogovorenom dinamikom radova preda predmetni prostor na izvođenje i da obezbjedi **izvođaču** nesmetan pristup i rad na predmetnim lokacijama.

Izvođač se obavezuje da će nakon okončanja radova u roku od sedam (7) dana, pismenim putem, zatražiti primopredaju istih uz koju će dostaviti građevinsku knjigu, građevinski dnevnik, pismenu izjavu izvođača o izvedenim radovima, pismeni izvještaj nadzora i sve dokaze o kvalitetu radova i ugrađenih materijala.

član 5.

Izvođač radova odgovara za kvalitet izvedenih radova računajući od dana izvršene primopredaje radova, s tim da garantni period u vremenu od 5 (pet) godina traje od dana prijema radova.

Unutar prethodno navedenog roka **izvođač** se obavezuje da o svom trošku, na pismeni zahtjev **naručioca**, u roku od 5 (pet) dana, otkloni sve nedostatke koji se pojave na izvedenim radovima uslijed nesolidnog izvođenja radova, odnosno ugradnje nekvalitetnog materijala.

U slučaju da **izvođač** ne postupi po uslovima i rokovima utvrđenim stavom 3. ovog člana, **naručilac** stiče pravo da o trošku izvođača angažira treće lice za otklanjanje nesolidno i nekvalitetno izvedenih radova.

član 6.

Ugovoreni rok za izvođenje radova se može produžiti samo u slučaju više sile, za onoliko dana koliko su trajali razlozi produženja izazvani tom silom. Pod višom silom se podrazumijeva svaki događaj koji ugovorene strane nisu mogle predvidjeti i spriječiti, a koji omogućava ispunjenje ugovorene obaveze (npr. vremenski uslovi, štrajk i sl.).

Postojanje okolnosti iz stava 1. ovog člana utvrđuju ugovorne strane i to na pismeni zahtjev **izvođača** u roku od 48 (četrdeset osam) sati od njihovog nastupanja.

član 7.

Pored obaveza utvrđenih građevinskim propisima i standardima u toj oblasti, **izvođač** se posebno obavezuje:

- da ugrađuje materijale i elemente koji odgovaraju standardima, odnosno koji posjeduju certifikat (potvrda kvaliteta),
- da osigura dokaze o kvalitetu radova i ugrađenih materijala,
- da sprovede mjere tehničke zaštite na radu na objektima iz člana 1. ovog ugovora,
- da obezbijedi sigurnost i zaštitu ljudi za vrijeme izvođenja radova,
- da odgovara za štete nastale prilikom izvođenja radova iz člana 1. ovog ugovora,
- da prilikom izvođenja radova poduzme sve mjere da ne nanosi štetu ili ometaju treća lica,
- da o svom trošku svakodnevno odvozi stari materijal i građevinski šut i održava čistim predmetni prostor,
- da svakodnevno vodi građevinsku knjigu i građevinski dnevnik radova, od kojih po 1 (jedan) primjerak za potrebe **naručioca**.

član 8.

Naručilac se obavezuje da odredi fizičko lice koje će vršiti stručni nadzor nad izvođenjem ugovorenih radova.

Nadzorni organ iz stava 1. ovog člana mora:

- provjeriti i utvrditi da li je kvalitet izvedenih radova, ugrađenih materijala i opreme u skladu sa zahtjevima projekta, te da je taj kvalitet dokazan propisanim ispitivanjima i dokumentima;
- potvrditi urednost izvođenja radova potpisivanjem građevinskog dnevnika, u isti unositi izmjene urađene u odnosu na projektnu dokumentaciju, kontrolirati građevinsku knjigu i po potrebi vršiti usaglašavanje sa projektantom i izvođačem radova za sve eventualne promijenjene okolnosti u tehničkoj dokumentaciji.

Ukoliko nadzorni organ utvrdi da pojedini radovi ne odgovaraju ugovorenom kvalitetu, **izvođač** je dužan da o svom trošku izvrši popravku ili ponovno izvođenje radova.

član 9.

Na odnose između ugovornih strana koji nisu uređeni ovim Ugovorom primjenjuju se odredbe Zakona o obligacionim odnosima.


član 10.

Ugovorne strane su saglasne da će sve eventualne sporove nastale po ovom Ugovoru rješavati sporazumno, u suprotnom, nadležan je Općinski sud u Sarajevu.

član 11.

Ugovor je sačinjen u 4 (četiri) istovjetna primjerka od kojih svaka ugovorna strana zadržava po 2 (dva) primjerka.

Za **izvođača**,



Broj: 04-12/18

Sarajevo, 28.11.2018.

Za **naručioca**,



B

Sarajevo, 28.11.2018. godine